

=== É KERVOIAL ===

Hui e zo grouienneu  
me halon Breihad.  
Kalloh

É Kervoial, p'oen bihanik,  
N'eh es ket soñj, o, mamm karet?  
Ni yè liés get un hentig  
Bet' er velin, é mesk en ed.

Er bleu e oè lan a uénén,  
Klemm e rè eskell er velin.  
Hed er gerhiér mourb ha melén  
E cherremp mouiar hag irin.

É penn en nivarh troiellus,  
É spurmantemp èl un huné  
Er mor divent ha lugernus,  
Get é ouélieu ru a Siné.

A pe goéhé en anderù-noz  
En ur ganal éh emp d'er gér.  
Er penhérieu dija oè kloz...  
N'eh es ket soñj, o mamm tinér?

Roperh ER MASON

("Chal ha dichal";-  
Moladenneù Dihunamp, en Henbont.)

---

Roperh ER MASON, ofisour ar ul lestr-brezel, a zo e zou  
unan a wellañ varhed en amzer-mañ é skriuein  
yèh Gwéned.

=== TUCHANT EH ARRIUO EN HANU ===

==== ( kan pobllel ) ===  
=====

Tuchant éh arriuo en hanu  
Hag e kano er bobelan.

Er bobelan hag en estig  
Er vaulalh argant, en hoperig.

E kano er goailh ér pradeu,  
E tigoero er bokedeu.

E tigoero er bokedeu  
Hag e vo groeit aliañseu !

Me gleu men dous é huitellat  
E lakaat en deur ar é brad.

Kant vad e ra dein er gleuet  
E hortoz en dé de zonet.

E hortoz en dé de zonet,  
E korn er prad, ér bod haleg...

-Men dous, dein-mé é lareet:  
A beban 'tet, emen éh et?

-Azoh er gér donet e ran,  
D'er pardon de Geuden éh an .

-Ha gorteit, mé me yei éué,  
M'em es ho korteit guéhavé.

=====

—— LAREDEU KOH ——

En neb e laer un u (un ui)  
E laer ur jao pe gav é du.

Kemer hep rein  
E lak er garanté de droein.

Erh kent Nandeleg,  
Teil ér segaleg.